



1 4
1555
239

239



門 14
號 1555
卷 239

廣

釋

名

四十九
日
洋
書
社

黃 釋 名

廣釋名序

鎮洋畢湘蘅尚書與江處士叔灃取劉氏釋名參校異同是正繆誤有釋名疏證之刻於原書義例埤埒猶未盡善也每怪范史無劉熙名唯劉珍傳云珍纂釋名三十篇辨萬物之稱號今釋名僅二十七篇而有亡篇若併之宜合三十篇之數珍與熙豈卽一人歟又吳志韋昭傳昭所上辭言見劉熙所作釋名信多佳者然物類衆多難得詳究故時有得失因作辨釋名一卷薛綜程秉等傳或從熙學或與熙考論大義見諸載籍彰彰如

黃釋名 趙序

一知不足齋叢書

是寧得以范史無傳而疑之耶故陳振孫書錄解題馬
端臨文獻通考皆云漢徵士北海劉熙字成國成國是
書實與許叔重說文解字竝爲漢人小學之祖顧爲說
文之學代不乏人而羽翼釋名者頗尠此昭文張子月
霄所以有廣釋名之作也張子家庭濡染學有本原少
小治經卽以訓詁爲重於釋名用力尤勤六書竝列獨
主諧聲得制字之義也採書以漢爲限疆界之嚴也依
類推之增所未載補原書之罅漏也引逸書至百二十
種旣徵援據之博且有功於亡佚也非好學深思心知

其意又能實事求是何以臻此哉不寧唯是張子治經
之外兼攬藝文於歷代作者靡不蒐討方有金文最之
輯蓋本公羊傳會猶最之意言其薈萃之富也昔姚氏
鉉有唐文粹呂氏祖謙有宋文鑑蘇氏天爵有元文類
程氏敏政有明文衡皆採入四庫獨金源之文闕如每
以爲憾今張子成之行當上邀
乙覽下惠藝林爲姚呂諸家嗣音而與元裕之中州集
共垂不朽矣張子年方壯他日見聞彌擴著錄遞增則
廣釋名一書其卽爲羣書之嚆矢乎

美以子學殖荒落何敢竊比子厚顧尋念西漢文類祕
殊鴻寶冊類兔園要是杜元凱善文之末爾若月霄把
菟蠹簡剔抉枯竹萃逸典於儒墨采異義於經讖補苴
罅漏不遺餘力允足爲成國功臣斯其過宗直所爲遠
矣抑予聞之訓詁者著述之根柢也小學者六藝之津
逮也勗旃月霄尚其邁征益弗懈勉卒懋脩克臻通經
致用以發名成業是又予之所厚望焉兄大鏞鹿樵甫
序

古小學之書說文爾雅方言外唯劉氏釋名僅存其書
雅俗兼通義數竝舉與爾雅方言尤相似顧爾雅義主
釋經方言旨在通俗釋名義例蓋在二者之間其所詳
略自敘所稱論敘指歸義自有在非有關漏也及門張
子月霄嗜學好古於小學中尤善釋名謂古人制字象
形指事外諧聲爲多故字從聲肇義以聲生凡字體不
根於聲者僞體也字義不本於聲者假義也漢人具有
師傳故毛鄭諸儒訓詁多主諧聲讀釋名一書斯義尤
著因於治經之暇博覽羣籍自諸經傳注及諸子緯候

一句一義有與釋名相類者倣其例廣之得書二卷問
序於余觀其書比類相從雜而不越又采輯斷自漢代
體例亦極謹嚴殆有合於劉氏所云凡有未備智者以
類求之之意俾古音古義之難通者或悉有所攷焉其
出於世之餽飭剽拾之學遠矣是為序

嘉慶癸酉十月朔友生黃廷鑑書

自序

漢劉君成國著釋名二十七篇從音求義多以同聲相
諧其自序云凡所不載亦欲智者以類求之金吾治經
之暇旁及小學讀其書陳義爾雅訓辭典奧古音古義
賴斯僅存然如釋親屬而不及夫釋樂器而不及琴釋
周并夏收而昂則缺釋秦晉吳越而蜀不載誠有如序
所云未能究備者至若星散也辰伸也其說孤而無證
不若從說文解字星訓精辰訓震之為得也姊積也妹
昧也其說鑿而難通不若從白虎通義姊訓咨妹訓未

之爲得也歲越也年進也不若訓遂訓仍之聲更相協也未昧也酉秀也不若訓味訓老之說更精確也山產也河下也不若如說題辭訓宣訓荷之爲善也江公也濟濟也不若如尚書大傳訓貢訓齊之爲善也州注也不若如殊也疇也之訓爲善也豫豫也不若如舒也序也之訓爲善也水波揚爲揚州不若厥性輕揚之說爲善也在幽昧爲幽州不若其氣深要之說爲善也取充水以爲名不若以充訓信之爲善也取營室以爲名不若以營訓平之爲善也心之言任心之言在較所識纖

微之說爲善也弁之言樊弁之言槃較兩手相合之訓爲善也斧爲甫不若如斧之言捕之爲善也鐘爲空不若如鐘之言動之爲善也旌有精光不若如精進士卒之爲善也戰恭爲旂不若如旃表士衆之爲善也棺關也不若訓完之爲善也樞究也不若訓久之爲善也他若名之言鳴名之言命則義得兩通亭之言留亭之言定則說可竝存易含三義必須合簡易變易不易而其說始備詩有三解必須合志也持也承也而其義始全金吾不揆禱昧輒輯諸經傳注及諸子緯候等書凡劉

君所及見者就原分二十七篇之目依類廣之傳未載者既網羅前訓而得其指歸已載者亦博考羣書而備其訓釋于以成劉氏之志亦未必非小學之一助云
嘉慶甲戌夏五月昭文張金吾序

例言

一是書凡原書未釋如東風曰類暨已釋而訓解有異如天類或訓同義異如笛訓滌原書作其聲滌滌是書及類推闡未盡者如易也變易也俱輯周秦兩漢之書以廣之故名曰廣釋名若兩書訓釋互異如說文解字天訓類中加一曰或又字以貫之
一是書專採劉氏以前暨同時諸儒著述故所輯訓詁斷自漢止若鄭小同鄭志撰者雖已入魏以其所述皆鄭君及諸弟子問答之辭故亦採入

一先秦兩漢諸書什不存一其佚

一句罔非瓌寶今就十三經注疏已入藏以表其源

未經陳禹謨刪改者與俗本迥異 太平御覽

類者悉依類採入一

書一百二十餘

通俗通義等書

而今本所闕者

尚書孔

文顏氏家指晉中

託名雖在劉氏前

來從洋舶者未敢

豐坊之詩傳詩說

復具論

一子夏易傳有三本劉氏

孝緒七錄子夏易六卷或云

中經簿子夏傳四卷或云丁寬

氏集解陸氏釋文所引者是也唐末

夏易傳則崇文總目晁氏讀書志所著

稱引者是也若今世行本則又係後人偽託不但非韓嬰丁寬書亦并非張瓜書矣茲就集解釋文所引者採入一二條餘並不錄

一東漢俗尚讖緯習為內學原書如日實也月闕也雲運也俱本緯書之說故是書所採緯書較詳

一是書多以同聲相諧第古今音異清濁輕重往往不合如元命包以易訓地白虎通以戮訓簫似與諧聲不協蓋古雉夷地三字同音易平聲即夷故地可訓易簫从肅得聲簫肅戮三字古音相近故簫可訓戮鄭康成

論語季氏注曰肅之為言肅也春秋說題辭曰祿之言消也

以戮訓簫即以消訓祿則古音相近可知他皆倣此

一是書援引訓詁擇善而從如爾雅釋水小洲曰階疏引李巡曰四方皆有水中央獨可居一切經音義十四引作四方有水獨高可處蓋渚處聲相近因人可處故名曰渚爾雅疏云云失諧聲之義矣又如續漢書祭祀志注引風俗通義曰岱者胎也蓋岱胎聲相近故以胎訓岱爾雅釋詁胎始也今本誤胎為始訓解雖同與諧聲不協矣凡此之類皆擇其義勝者錄之

一是書援引訓詁有假借者如農者濃也風俗通釋神

農之農而此以釋農夫之農者則以皇氏論語子路疏之以

濃訓農也書者舒也援神契釋書契之書而此以釋尚

書之書者則以孔氏尚書序正義之以舒訓書也論之言倫

也鄭箋釋鍾鼓之有倫理而此以釋論語之論者則以

皇氏論語義疏序之以倫訓論也訓雖假借實確詁也餘皆

視此

一是書體例次序一依原書閒有小異者如親屬釋及

嫁娶媒妁言語釋及君臣朝覲蓋以無類可歸故連及

之非故為異同也若黍稷宜入五穀而列飲食圭璋宜

入禮器而列書契者則以原書有釋黍引見太平御覽今本缺釋

笏二條故依類廣之

一是書稱引先儒伏生稱生毛公稱公賈馬鄭許薛稱

君餘俱稱氏不敢斥其名也孟子有劉向劉熙注子政

稱字成國稱氏以別之

一魏晉後諸儒訓詁有與釋名極相類者如爾雅釋文引晉太康地

記釋揚州日以揚州漸太陽位天氣奮揚履正含文明故取名焉之類擬作續釋名以附

其後

卷二

釋首飾

釋衣服

釋宮室

釋牀帳

釋書契

釋典藝

釋用器

釋樂器

釋兵

釋車

釋船

釋疾病

釋喪制

廣釋名援引書目

周易

毛詩

儀禮

周禮

禮記

逸禮

左傳

公羊傳

穀梁傳

中庸

孟子

爾雅

子夏易傳

周易孟喜章句

周易京房章句

周易馬融傳

廣釋名援引書目

一知不足齋叢書

周易鄭康成注

鄭康成易贊

鄭康成易論

周易荀爽注

詩序

孟仲子詩論

詩毛亨詁訓傳

毛詩鄭康成箋

鄭康成詩譜

魯詩

韓詩

韓嬰韓詩外傳

韓詩薛漢章句

伏勝尚書大傳

鄭康成尚書大傳注

尚書歐陽高章句

劉歆洪範五行傳

鄭康成洪範五行傳注

尚書馬融注

尚書鄭康成注

鄭康成書贊

儀禮馬融注

儀禮鄭康成注

鄭康成儀禮目錄

周禮鄭興解詁

周禮鄭眾解詁

周禮杜子春注

周禮賈逵解詁

周禮馬融注

周禮鄭康成注

大戴禮記

禮親屬記

禮別名記

禮記盧植注

禮記鄭康成注

叔孫通漢禮器制度

戴聖石渠禮論

鄭康成魯禮禘祫志

月令蔡邕章句

蔡邕月令論

董仲舒春秋繁露

左傳鄭眾章句

左傳賈逵解詁

左傳延篤注

左傳顏容釋例

左傳服虔解詁

公羊傳何休注

論語包咸章句

論語鄭康成注

孟子劉向注

孟子劉熙注

孟子趙岐注

爾雅慥為舍人注

爾雅李巡注

爾雅樊光注

孝經魏文侯傳

劉向五經通義

劉向五經要義

許慎五經異義

鄭康成駁五經異義

鄭康成六藝論

鄭小同鄭志

李斯蒼頡篇

司馬相如凡將篇

三蒼

楊雄方言

杜林蒼頡訓詁

許慎說文解字

樊恭廣蒼

釋名逸句

蔡邕琴操

國語

國語賈逵注

國策劉向序

國策高誘注

班固白虎通義

逸周書

吳越春秋

越絕書

世本

史記

漢書服虔注

集解

劉向七略

衛宏漢舊儀

應劭漢官儀

胡廣漢官解詁

胡廣漢制度

蔡質漢官典職

馬第伯封禪儀記

董巴輿服志

劉向列女傳曹大家注

蔡邕獨斷

山海經

應劭地理風俗記

應劭十二州記

管子

莊子

荀子

韓非子

六韜

司馬穰苴司馬法

隨巢子

尸子

墨子

鷓冠子

秦越人八十一難經

呂氏春秋

呂氏春秋高誘注

賈誼新書

淮南子

淮南子許慎注

淮南子高誘注

劉向說苑

楊雄太元

楊雄法言

桓譚新論

桓寬鹽鐵論

王充論衡

荀悅申鑒

徐幹中論

汜勝之書

黃帝星經

張衡靈憲

劉歆三統歷

楚詞

楚詞王逸注

易乾鑿度

尚書中侯稷起

書璿璣玲

詩推度災

詩含神霧

禮含文嘉

樂動聲儀

春秋元命包

春秋說題辭

春秋說題辭宋衷注

春秋考異郵

春秋文耀鉤

春秋運斗樞

廣雅名援引書目

五知不足齋叢書

春秋感精符

春秋合誠圖

春秋演孔圖孔衷注

孝經援神契

孝經雌雄圖

河圖括地象

河圖帝通紀

書名無考

董仲舒

王朔

武帝時為太史待
詔見開元占經九

十二引東
方朔別傳

衛宏

杜林

張衡

盧植

服虔

應劭

穎容

劉熙

蔡邕

荀悅

姓氏無考

尚書詁訓

漢書舊注

相玉書

廣釋名卷

昭文張金吾學

釋天

天顛也至高無上

許君說文解字一部

天之言瑱

毛詩君子偕老孔氏正義引春

秋元命包

一曰天之為言鎮也居高理下為人鎮也

班氏白虎通義

故其字一大以鎮之也

爾雅釋天陸氏釋文引春秋說題辭

天神曰神

順民高氏注

神者伸也

王氏論衡論死

又申也

應氏風俗通義怪神

信也

風俗通義

皇霸

一曰引出萬物者也

說文解字示部

日之為言節也含一開度立節使物咸別故謂之日言

陽布散合如一故其立字四合其一者為日開元占經五引春秋

元命包

暘日出也說文解字日部暘者陽也論衡寒溫

星之為言精也陽之精也陽精為日日分為星太平御覽五引

春秋說題辭川德布精上為星玉海一引河圖括地象萬物之精上為

列星說文解字晶部星也者體生于地精成于天開元占經一引張氏靈憲

一曰星晴也毛詩定之方中釋文引韓詩

風之為言萌也其立字虫動于几中者為風太平御覽九引春秋

考異郵

東風曰條風淮南子地形條者達生也太平御覽九引春秋考異郵

西方曰闐闐風說文解字風部闐者倡也史記天官書

東南曰清明風說文解字風部清明者青芒也白虎通一曰精義八風

芒挫收太平御覽九引春秋考異郵

春之為言猶僂僂也董氏春秋繁露陽尊陰卑言僂僂動也白虎通義五行

一曰春出也物之出也藝文類聚三引伏生尚書大傳

秋之為言愁鄭君曰讀為摯也愁之以時察守義者也禮記鄉飲酒義

秋者愁也萬物愁而入也太平御覽二十四引尚書大傳一曰秋之為

言猶湫湫也春秋繁露陽尊陰卑又就也文選秋興賦李氏注引劉氏釋名逸句物

皆成象而就也

楊氏太元九

又肅也萬物莫不肅敬恭莊也

蕭氏五行大義一引尸子

冬之為言中也中者藏也

禮記鄉飲酒義

物方藏于中也

藝文類聚

三引尚書大傳

十月為陽時坤用事嫌于無陽故名此月為陽

毛詩采薇鄭君

箋

唐虞曰載

爾雅釋天

言一歲莫不覆載故曰載也

蔡氏獨

曰載之言成也載成萬物也

白虎通義四時

夏曰歲

爾雅釋天

歲之

為言遂也

太平御覽十七引春秋元命包

周曰年

爾雅釋天

年者仍也

白虎通義

棋復其時也

說文解字禾部

五行者欲言為天行氣之義也

白虎通義五行

不之為言觸也陽氣動躍觸地而出也

禮記月令正義引白虎通義

又曰木之為言牧也

白虎通義情性

木味酸酸者鑽也萬物應

陽鑽地而出

呂覽孟春紀注

一曰酸之言端也氣始生專心自

端也

五行大義三引春秋元命包

水味所以鹹何是其性也所以堅之也猶五味得鹹乃

堅也

白虎通義五行

鹹者鎌鎌清也至寒之氣故使其清而鹹

五行大義三引 一曰銜也 說文解字 鹵部

火之為言委隨也 白虎通義五行

子者滋也 三國志魏文帝紀裴氏注引詩推度災

寅言萬物始生蟪然也 史記律書 寅者移也引也物可稍吐

引而申之移出于地也 五行大義一引詩推度災 一曰引達於寅 漢書

律歷志

丑于易為艮 釋名原文 艮之言很也 周易艮釋文引周易鄭君注

卯之為言茂也言萬物茂也 史記律書

辰者言萬物之娠也 史記律書 一曰辰震也三月陽氣動雷

電振民農時也 說文解字辰部

午于易為離 釋名原文 離為別離以陰隔陽也煙燄飛升炭

灰降滯是其別離也 周易離李氏集解引周易荀氏注

未者言萬物皆成有滋味也 史記律書

申神也 說文解字申部 申者伸伸猶引也長也衰老引長 五行大義

一引詩推度災 一曰呻之也 淮南子天文

酉者老也 白虎通義五行 萬物之老也 史記律書 又飽也 淮南子天文 就

也 說文解字申部 一曰畱孰于酉 漢書律歷志

戌者滅也 說文解字戌部 言萬物盡滅 史記律書

亥該也言萬物藏于下故該也史記律書一日亥該也白虎通義

行又莩也說文解字亥部闔也淮南子天文

甲者押也春則開也冬則闔也五行大義一引詩推度災

乙者屈也蟠屈其芒而欲萌景祐六壬神定經上引春秋元命包乙象春

草木冤曲而出陰氣尚彊其出乙乙也說文解字乙部

戊勉也言土勉動萬物所生景祐六壬神定經上引春秋元命包

一之言起也禮記月令鄭君注己者抑屈起白虎通義五行一日己既

言萬物已既也景祐六壬神定經上引春秋元命包

之為言任也史記律書王者陰使任白虎通義五行

霜者殺伐之表初學記二十引春秋感精符霜亡也陽以散亡白虎通義

變災霜之為言亡也四時代謝以霜收殺物以終也太平御覽

十四引春秋考異郵

霆雷餘聲也鈴鈴所以挺出萬物說文解字雨部一日霆礚礚

也一切經音義十五引李氏蒼頡篇霆者挺生萬物也周易繫辭釋文引周易京氏注

震劈歷振物者說文解字雨部

雹者陰薄陽之象南齊書五行志引劉氏洪範五行傳陰陽專精凝合成

雹雹之言合也太平御覽十四引春秋考異郵

暈讀若君國子民之君氣圍繞日周而似軍營相圍

守故曰暈也

呂覽明理注

一日運讀連圍之圍運者軍也有

軍事相圍守則日運出也

淮南子覽冥注

氣見于日旁內曲向日為抱

開元占經七引蔡伯喈說

抱者苞也苞

者附也抱者近臣也抱者和親也

開元占經七引王待詔說

日璫

開元占經七引孝經雌雄圖

璫者決也璫者臣下走也璫者臣

下急也形如背狀微小而鉤則為璫璫者謫也為乖離

也

開元占經七引王待詔說

敘者雲有次序如山敘在日上也

周禮視祿鄭君注引鄭司農注

晦而月見西方謂之朏

周禮保章氏正義引洪範五行傳

朏條達行疾

貌也

文選月賦注引洪範五行傳鄭君注

一曰朏相類也日晦食為朏

漢書

五行志顏氏注引服氏注

日運為躔

揚氏方道注

二十八宿一宿為一舍

文選遊仙詩注引淮南子許君注

舍止也

周禮司戈

注盾

夜舍也天下休舍也

說文解字夕部

宵陽氣消也

爾雅釋言邢氏疏引爾雅舍人注

宵猶小也

文選雜體詩注引春秋演

孔圖宋氏注

算日且冥也

說文解字井部

日昃跌中也

周禮司市注

日在西方時側也

說文解字日部

日出前漏三刻為明

文選新刻漏銘序注引劉氏五經要義

明孟也

大戴禮記

志明謂日照晝

禮記祭義注

幽幼也

大戴禮記誌志

幽謂月照夜

禮記祭義注

璇璣謂北極星

續漢書天文志劉氏注引黃帝星經

璇者還也璣者幾也

微也其變幾微而所動者大謂之璇璣

太平御覽二十九引尚書大傳

魁下六星兩兩而比曰三能主閭德宣符德立題能之

為言耐也

北堂書鈔五十引春秋元命包

紫宮者太一之常座也

開元占經六十七引春秋合誠圖

紫之言此也

宮之言中也言天神運動陰陽開閉皆在此中也

史記天官

書索隱引春秋元命包

攝提

史記天官書

攝提之為言提攜也言提斗攜角以接于

下也

史記天官書索隱引春秋元命包

營室者主營胎陽氣而產之

史記天官書

一曰于是可以營

制宮室故謂之營室

毛詩定之方中箋

房星為天帝之明堂布政之所出

周禮大司樂賈氏疏引春秋文耀鉤

房

者言萬物門戶也

史記律書

危墜也言陽氣之危墜故曰危

同上

須女言萬物變動其所陰陽氣未相離尚相如胥也故

曰須女同上

氏者言萬物皆至也同上

箕者言萬物根棋故曰箕同上

弧者言萬物之吳落且就死同上

狼者言萬物可度量斷萬物故曰狼同上

罰者言萬物氣奪可伐也同上

濁者觸也言萬物皆觸死也同上

婁者呼萬物且丙之也同上

昴之為言留也言物成就繫留是也毛詩小星正義一引春秋元命包

曰留者言陽氣之稽留也史記律書

元枵虛也爾雅釋天枵耗名也左氏襄二十八年傳

農祥國語周語祥猶象也華嚴經音義上引國語賈君注

孛之為言猶莩也穀梁文十四年傳孛者何彗星也公羊文十四年傳

偏指曰彗芒氣四出曰孛孛者暗昧不明之貌也開元占經

也董江都說彗者天之旗開元占經八十八引河圖帝通紀去穢布新者

也太平御覽七引洪範五行傳

旱之為言乾萬物傷而乾不得水也藝文類聚一百一引洪範五行傳

曰旱之言悍也陽驕蹇所致也

太平御覽三十五引春秋考異郵

无妄

大旱之卦萬物皆死無所復望

周易无妄集解引周易京氏注

妄猶望

謂无所希望也

周易无妄釋文引周易馬君注

大雩者何旱祭也

公羊桓五

年傳雩之言吁嗟也

禮記祭法注

雩者吁嗟求雨之聲

周禮女巫疏引

春秋考異郵

一曰雩遠也遠為百穀求膏雨也

續漢書禮儀志注引左傳

服氏注

氣相傷謂之沴沴猶臨莅不和意也

漢書五行志

凡草木之類謂之妖妖猶天胎言尚微

漢書五行志

卻變異曰禳禳攘也

周禮女祝注

地

地者易也言養物懷任交易變化含吐應節也

太平御覽三十一

引春秋命包

又媿也承天行其義也

太平御覽三十六引春秋說題辭

又

地

爾雅釋地釋文引

地之言施也應施變化故謂之

太平御覽三十地六引白虎通義

地神曰祗

爾雅釋訓疏引尸子

提出萬物者也

說文解字示部

田一夫之所佃

周禮匠人注

田陳也謂陳列種穀之處

爾雅釋地

釋文引爾雅李氏注

藉田典籍之田

毛詩載芟正義引應氏說藉之言借也

毛詩載芟箋

借人

廣雅釋詁卷一

九知不足齋叢書

力以成其功故曰藉徐氏初學記三引月令蔡氏章句一曰古者使民

如借故曰藉田風俗通義祀典藉蹈也言親自履蹈于田而耕

之後漢書明帝紀注引劉氏五經要義

圭田圭之言珪絜也周禮匠人注

壟中曰畎畎上曰伐伐之言發也同上

阜者茂也言平地隆踊不屬于山林也風俗通義山澤

汎者莽也言其平望莽莽無涯際也汎澤之無水斥鹵

之類也風俗通義山澤引傳

沛澤沛者草木之蔽茂禽獸之所蔽匿也風俗通義山澤

上平曰原公羊昭元年傳原端也平而有度水經注六引春秋說題辭

下而平者謂之隰隰之猶言溼也太平御覽五十引尚書大傳謂土

地宬下常沮洳名為隰也爾雅釋地疏引爾雅李氏注

陂者曰阪爾雅釋地陂者謂高峰小陂毛詩車鄰正義引爾雅李氏注

在田曰疆公羊宣十年傳注土地疆槩之地禮記月令注

釋山

山者地之基文選琴賦注引春秋運斗樞氣之苞太平御覽三十八引春秋元命包

地有山嶽以宣其氣開元占經一引靈憲山之為言宣也含澤布

氣調五行也太平御覽三十八引春秋說題辭

陵之為言稜也輔山成其廣大層稜扶推益厥長也

御覽五十三引春秋說題辭

嶽之為言摘也摘功德也

白虎通嶽者摘功考德黜陟

幽明也

風俗通義山澤東方為岱宗言萬物更相代于東方也

白虎通義巡狩岱者代也東方物之始交代之處

劉氏五經通義羣嶽之長

太平御覽二十九引五經通義岱者胎也

續漢書祭祀志一曰王者禪代所祠故曰岱嶽

淮南子地形注東山名曰日觀日觀者雞一鳴時見日始欲出

續漢書祭祀志

梁甫泰山旁山名梁者信也甫者輔也信輔天地之道

而行之也

白虎通義封禪衡山上承景宿銓德均物故曰衡

太平御覽三十引白虎通義衡山一名霍霍者萬物盛長垂枝布葉霍然而大

風俗通義山澤之為言護也言萬物護也

白虎通義西方為華山華之為言獲也言萬物成熟可得獲也

白虎通義一曰華者華也萬物滋然變華于西方也

風俗通義山澤

十一知不足齋叢書

續漢書祭祀志

續漢書祭祀志

續漢書祭祀志

少陰用事萬物生華故曰華山初學記五引

北方為恆山恆者常也萬物伏藏于北方有常也白虎通義

巡陰終陽始其道常久故曰常山初學記五引

中央為嵩高白虎通義中央之嶽獨加高字者中央四方

之中可高故曰嵩高山白孔六帖五引

會稽者會計也禹會諸侯江南計功而崩因葬焉命曰

會稽史記夏本紀贊禹巡天下歸登茅山乃大會計治國之道

更名茅山曰會稽吳越春秋越王無餘外傳

山足曰麓麓者錄也路史發揮五引尚書大傳鄭君注

石陰中之陽陽中之陰陰精輔陽故山含石石之為言

託也託立法也初學記五引春秋說題辭

磐周易山中石磐紆故稱磐周易正義漸引

釋水

水之為言演也陰化淖濡流施潛行也太平御覽五十八引春秋元命

包水者天地之包幕五行之始焉初學記六引萬物之

所由生元氣之腴液也水經注一引春秋元命包

瀆者通也所以通中國垢濁也風俗通義山澤引尚書大傳瀆者濁

也中國垢濁發源東注海其功著大故稱瀆也白虎通義巡狩

江貢也所出珍物可貢獻也

風俗通義山澤引尚書大傳

河者水之伯

水經注一引孝經援神契

四瀆之精

水經注一引春秋考異郵

河之

言何荷也

毛詩元鳥箋

河之為言荷也荷精分布懷陰引度

也

水經注一引春秋說題辭

又播也播為九流出龍圖也

風俗通義山澤引尚

書大傳

淮者均

風俗通義山澤

均其勢也

水經注三十引春秋說題辭

濟齊也齊度也貞也

水經注七引春秋說題辭

齊其度量也

風俗通義山澤

引尚書大傳

洛之為言繹也言水繹繹光耀

初學記六引春秋說題辭

渭之為言布也渭渭流行貌

初學記六引春秋說題辭

湖都也言流瀆四面所隈都也

風俗通義山澤

汝出猛山汝之為言女也

太平御覽六十三引春秋說題辭

取其生

孕也

太平御覽六十三引春秋說題辭宋氏注

小水入大水曰湫八水从

說文解字水部

水所出曰汭

水經注四引尚書馬君注

汭之言內也

毛詩公劉箋

山絕水曰壘

毛詩鳧鷖傳

壘之言門也

毛詩鳧鷖傳

水所停止深者曰瀦

尚書禹貢釋文引尚書馬君注

瀦都也南方謂都

為瀦

禮記檀弓注

水出于山入于川曰谿爾雅釋水疏引谿隱也深虛繞

山令得博也太平御覽六十七引春秋說題辭

渠者水所居也風俗通義山澤引傳

言水曰陂禮記月令注陂者繁也言因下鍾水以繁利萬物

也風俗通義山澤

小波為淪爾雅釋水淪小風水成文轉如輪也毛詩伐檀傳

匯回也水經注二十九引尚書鄭注水迴也一切經音義三引蒼頡篇

海天池以納百川者說文解字水部海水之委也禮記鄉飲酒義注

水中可居曰州周繞其旁說文解字川部

小洲曰渚釋名原文四方有水獨高可處故曰渚一切經音義十四引

爾雅李氏注

小汜曰坻爾雅釋水坻箸也說文解字土部

頻水厓也人所賓附頻蹙不前而止說文解字頻部

潮朝也太平御覽六十八引說文解字水朝宗于海說文解字水部一朝曰

潮夕曰汐事文類聚前集十五引說文解字

潛水流潛潛也說文解字水部

潤水流浼浼說文解字

釋上

絕高謂之京

釋名

京人所為絕高丘从高省京象高形

說文解字京部

道出其後曰昌丘

釋名

昌當也

爾雅釋詁

丘背有丘為負丘

爾雅釋丘

負之言背也

禮記明堂位注

如陵陵丘

爾雅釋丘

如覆敦者敦丘

同上

上平章丘

同上

水潦所還埒丘

同上

水出丘前謂之消丘消少減也

說文解字水部

西方曰金丘

淮南子地形

西方金位因為金丘

注

東北方曰和丘

淮南子地形

鸞所自歌鳳所自舞故曰和丘

注

京丘

呂覽禁塞

戰鬪殺人合土築之以為京觀故謂之京丘

注

土高四墮曰椒丘

楚詞離騷王氏注

宏農有桃丘古桃林也

史記留侯世家索隱引應氏十二州記

兩山夾上谷二大丘居中名曰平丘

山海經八

嗟丘一曰嗟丘

爾雅釋詁

墳大防爾雅釋名墳謂厓岸狀如墳墓名大防也毛詩汝墳正義引爾

雅李氏注

釋道

九達謂之達爾雅釋宮中道九交之道也文選蕪城賦注引韓詩薛

君章九達道也似龜背故謂之馗說文解字九部

街四通道也說文解字行部街者攜也離也四出之路攜離而

別也廣韻十三階引風俗通義

衝通道也說文解字行部

衝通街也同土

鄉里中道邑中所共也說文解字艷部

委巷街里委曲禮記檀弓注

桓隴阪名其道盤桓旋曲而上故名曰桓水經注三十引尚書鄭

注君

堂畢道平如堂也詩終南傳畢終南山之道名箋

午道史記張儀傳一縱一橫為午史記張儀傳索隱引鄭君說午悟也說文

解字午部

環涂謂環城之道周禮匠人注引杜子春注

釋州國

州之言殊也合同類異其界也

太平御覽一百五十七引春秋說題辭又

疇也各疇其土而生也

說文解字川部又周也州有長使之相

周足也

太平御覽一百五十七引風俗通義

兩河閒曰冀州

爾雅釋地兩河閒其氣清厥性相近故曰冀

冀近也

爾雅釋地疏引

河西曰雍州

爾雅釋地河西其氣蔽壅厥性急凶故曰雍雍

壅也

爾雅釋地釋文引

漢南曰荊州

爾雅釋地漢南其氣燥剛稟性彊梁故曰荊荆

彊也

爾雅釋地疏引

陽盛物堅其氣急悍

太平御覽一百六十七引

春秋元命包

江南曰揚州

爾雅釋天

江南其氣慘勁厥性輕揚故曰揚州

公羊莊十年傳疏引

濟河閒曰兗州

爾雅釋地

濟河閒其氣專質厥性信謹故曰

兗州兗信也

爾雅釋地釋文引

一曰兗之言端也言隄精

端故其氣纖殺

藝文類聚六引

河南曰豫州

爾雅釋天

河南稟中和之氣

太平寰宇記三厥

性寬豫

傳氏禹貢集解引

故曰豫豫舒也

爾雅釋地疏引

一曰豫之言序也言陽氣分布各得其處平靜多序也

爾雅釋地釋文
引爾雅李氏注

燕曰幽州爾雅釋地燕其氣深要厥性剽疾故曰幽幽要也

爾雅釋地釋文
引爾雅李氏注一日幽之為言窈也言風出入窈冥敏

勁易曉故其氣躁急藝文類聚六引
春秋元命包

齊曰營州爾雅釋地齊其氣清舒受性平均故曰營營平也

今為青州公羊莊十年傳疏
引爾雅李氏注

正北曰并州周禮職方氏并之言併也陽合交并其氣勇壯

抱誠信也爾雅釋地釋文
引春秋元命包一日并之為言誠也精含交

并其氣勇抗誠信也藝文類聚六引
春秋元命包

益州益之言隘也謂物類竝決其氣急切決列也藝文類聚

六引春秋元命包一日疆壤益廣故曰益州水經注三十三引
應氏地里風俗記

交阯南越太平御覽一百五十七引
王氏漢官篇武帝南平百越北攘夷

狄置交阯始開北方遂交南方為子孫基阯也後漢書光武帝

紀注引應氏漢官儀

魏大名也左氏閔魏喻巍巍高大也
史記晉世家集解引左傳服氏注

南辟之民曰蠻大戴禮記千乘蠻者慢也資治通鑑三十三胡氏注引風俗通義

禮簡怠慢來不距去不禁史記夏本紀集解引尚書馬君注一日用事

差簡慢周禮職方氏注蠻者聽從其俗羈縻其人耳故云蠻蠻

之言緝也尚書禹貢正義引尚書鄭君注

東辟之民曰夷大戴禮記大乘夷易也爾雅釋詁東方者少陽易化

故取名也白虎通義禮樂一曰夷者柢也言仁而好生萬物柢

地而出後漢書東夷傳注引風俗通義又觝也資治通鑑注三十夷中

最仁有仁道故字从人水經注三十三引地里風俗記

西方曰戎禮記王制戎者凶也斬伐殺生不得其中資治通鑑注三

十三引風俗通義

北方曰狄禮記王制狄者易也辟易無別也白虎通義禮樂一曰狄

者辟也其行邪辟資治通鑑注三十引風俗通義

以言抵冒貪饕至死好利本西南夷太平御覽七百九十四引風俗通義

貊之為言惡也說文解字彙部引夫子說貊者略也薄也不知送往

勞來無宗廟粢盛賦斂薄也太平御覽七百八十引風俗通義

胡者互也言其被髮左衽言語贅幣事殊互也太平御覽七百九十九引風俗通義

九十九引風俗通義

四塞在四方為蔽塞者禮記明堂位注秦築長城土皆紫色謂

之紫塞塞者壅塞夷狄也事文類聚別集六引風俗通義

南徼土色丹謂之丹徼徼遠也同上

侯服周禮職方氏侯為王者斥侯也注

男服周禮職方氏男任也任王事注

宏農宏大也所以廣大農業也太平御覽一百五十九引漢官儀

張掖言張國臂掖以威羌狄水經注二引地里風俗記

酒泉其水甘若酒味故也同上

平陰故晉陰地陰戎之所居在平陰之南故曰平陰水經注

注四引地里風俗記

鬱林鬱鬱金香是也鬱人所貢因氏郡矣水經注三十引地里風俗記

江都縣為一都之會故曰江都水經注三十引地里風俗記

聞喜漢書地理志武帝於此聞南越破故曰聞喜毛詩唐揚之水正義

引應氏說

王國百里為郊周禮載師鄭司農注引司馬注古者天子夏親郊祀上

帝於郊故曰郊漢書郊祀志王及諸侯必有郊者上則交接

天神下則交接諸侯諸侯交接鄰國也一切經音義十七引白虎通義

郊外曰甸通典一百一卷引禮記盧氏注甸之言田也周禮春官序官甸祝注治

田入穀也周禮職方氏注

四邑為丘丘謂之墟說文解字正部墟者虛也風俗通義山澤

四里為攢呂覽季秋紀注攢聚也文選西都賦注引倉頡篇

郇國甸大夫稍稍所食邑周禮曰任郇地在天子三百里之內說文解字邑部

百里為同總名為縣縣元也首也从系倒首舉首易偏矣言當元靜平徭役也水經注二引風俗通義又平也意林四引風俗通義

五家為伍十伍為里鸚冠子里者止也五十家共居止也續漢書百官志注引風俗通義

五家為比五比為閭閭侶也二十五家相羣侶也說文解字

疆五百里王畿界周禮載師注疆之為言猶竟也穀梁昭元年傳

釋形體

頸頭莖也說文解字頁部

腦之為言在也人精在腦太平御覽三百七十

唇者齒之垣所以扶神設端太平御覽三百六十八引春秋元命包

舌之為言達也太平御覽三百六十七引春秋元命包

揚眉上廣廣揚而顏角豐滿毛詩君子偕老傳

顏眉目之間說文解字頁部顏之言氣畔也太平御覽三百六十四引春秋元命包

鼻引氣自界也說文解字鼻部

齟老人齒如白也說文解字齒部

脚之為言附著也如龍蟠虎伏合附著也太平御覽三百六十九引

春秋元命包

心之為言任也任於恩也白虎通義情性枉眾惡於內弗使得

發於外者心也故心之為名柎也春秋繁露深察名號

肝木之精太平御覽三百七十六引樂動聲儀肝之為言干五行大義三引作杆也

白虎通義情性

脾土也禮記月令正義引許君五經異義今文尚書歐陽說脾之為言併也所以

積精併氣也白虎通義情性脾者弁也心得之而貴肝得之而

與肺得之而大腎得之以化五行大義三引春秋元命包

肺者金之精肺之為言費也情動得序白虎通義情性

腎者水之精腎之為言寫也以竅寫也同

胃為水穀之府周禮疾醫疏引八十一難經胃者穀之委也太平御覽三百七十六引春秋元命包

鄰臍二寸謂之關關者所以關藏呼吸之氣以稟授四

體也荀氏申鹽俗嫌

髀之為言跂也太平御覽三百七十二引春秋元命包

足上稱辨謂近膝之下屈則相近信則相遠故謂之辨

辨分也 周易集解剝引

駢脅 左氏傳二年駢并也 周禮巾車疏引尚書大傳鄭君注 并脅也 說文解字

跂一足 說文解字足部 跂奇也 太平御覽六百九十七引風俗通義

釋姿容

婉之謂媚也媚謂容貌也 禮記內則注

矜之言靡也 禮記玉藻注

幡反也 孟子萬章趙氏注 幡幡失威儀也 毛詩賓之初筵傳

蜷屈詰曲不行貌 楚詞離騷注

挑謂招呼也 列子楊朱殷氏釋文引倉頡篇 挑撓也 說文解字手部

招者召也以手曰招 楚詞招魂序 招招號召之貌 毛詩瓠有苦葉傳

摻摻猶纖纖也 毛詩葛履傳 纖纖女手之貌 文選古詩注引韓詩章句

提提安諦也 毛詩葛履傳

髮髮至脅也 說文解字髟部

頗頭偏也 說文解字頁部

凡相竊視南楚或謂之古古猶瞻也 方言

嗛口有所銜也 說文解字口部

躑躅足行高也 說文解字足部

平衡曰拜荀子大略拜之言服也白虎通義姓名

伏服也周易繫辭釋文引孟氏章句

駐住也文選東征賦注引倉頡篇

樓牽也文選琴賦注引孟子劉子政注

撫拊之也儀禮鄉射禮注

圈豚行禮記玉藻圈轉也豚之言若有所循注

媛美人人所援也說文解字女部邦人所依倚以為援助也毛詩君子偕老箋

老箋

覲媾也毛詩何人斯傳人面媾然也爾雅釋言釋文引爾雅李氏注覲擅也面

貌也謂自專擅之貌爾雅釋言釋文引爾雅舍人注

挈首亂頭也草與髮并編為挈首淮南子覽冥注挈亂也文選吳都賦注引淮南子許君注

賦注引淮南子許君注

偏任為跛依物為倚禮記禮器注跛偏任也禮記曲禮注倚依也

周易說卦釋文引周易馬君注

旁視曰眄一切經音義十一引三蒼眄眄然視無智巧貌也淮南子覽冥注

越之言蹙也禮記緇衣注

踐翦也史記文帝紀集解引服氏說踐之者藉之也毛詩破斧正義引尚書大傳

步行曰徒毛詩黍苗箋徒猶獨也華嚴經音義下引劉氏說

伋伋急行也一切經音義十

蹙促也毛詩小蹙額愁貌孟子梁

朦豐也自關而西秦晉之間凡大貌謂之朦方言

瞑翕目也从目冥說文解

睽暫視兒說文解

覘暫見也說文解

顛者專也白虎通頭顛顛謹兒說文解

勃屑猶嬰姍膝行貌楚詞七

索索猶縮縮足不止也周易震釋文引

釋長幼

嬰兒嬰猶驚彌也禮記雜男曰兒女曰嬰玉篇女部倪

者弱小繫倪者也孟子梁

孺乳子也一曰輸也輸尚小也說文解孺之言屬蔡氏

上骨肉相親屬也爾雅釋言疏引

七年曰悼悼憐愛也禮記曲

童未冠之稱周易蒙釋文引童獨也周易觀釋文引

考覲也血氣精華覲極言色赤黑如狗矣爾雅釋詁疏

耆老人面如點也說文解字老部

眉壽秀眉也毛詩南山有臺傳秀眉亦壽徵毛詩閟宮箋

頽白頽者班也頭半白班班者也孟子梁惠王注

百年日期頽釋名原文期猶要也孝子要盡養道而已禮記曲禮注

七十曰老禮記曲禮老考也說文解字老部壽考也白虎通義鄉射又久也

舊也續漢書禮儀志注引漢官儀

伯者子最長迫近父也仲者中也叔者少也季者幼也

白虎通義姓名

次夫周制八寸為尺十尺為丈人長八尺故曰丈夫禮記

解字夫部一曰丈者長也夫者扶也言長萬物也大戴禮記本命十

尺曰丈成人之長也夫者膚也言其智膚敏宏教也故

曰丈夫意林四引風俗通義

丈人易師丈之言長周禮天府疏引周易鄭君注能以法度長於人易師

釋文引周易鄭君注非徒尊老須德行先人也傳云杖德莫如信

言其恩德可信杖也意林四引風俗通義一曰丈人老而杖于人

者淮南子道應注

先生老人教學者禮記曲禮注先生猶言先醒也韓詩外傳六先

生當如醒學者譬如醉言生俱醉獨有醒者意林四引 風俗通義

釋親屬

父矩也以法度教子也白虎通義 三綱六紀

母牧也說文解 字女部

君母父之嫡妻儀禮喪 服注君母者母之所君事者通典九 十二引

儀禮馬 君注

祖者徂也風俗通 義祀典

男子先生為兄白虎通義三綱六 紀引禮親屬記兄況也況父法也白 虎

通義三 綱六紀

男子後生為弟白虎通義三綱六 紀引禮親屬記弟悌也心順行為也

白虎通義 三綱六紀

男子謂女子先生為姊爾雅 釋親姊者咨也白虎通義 三綱六紀

男子謂女子後生為妹爾雅 釋親妹者末也白虎通義 三綱六紀

婦稱夫之父曰舅爾雅 釋親舅者舊也白虎通義 三綱六紀

夫者扶也以道扶接也白虎通義 三綱六紀

婦者服也以禮屈服也同上

寡妻寡有之妻言賢也毛詩思 齊箋

從母母之姊妹儀禮喪 服注從其母來通典九十二引 儀禮馬君注

東齊之間壻謂之倩方言倩借也十二

女子同出謂後生為娣爾雅娣者何弟也公羊莊十年傳

族者氏之別名史記五帝紀集解引族者湊也聚也謂

恩愛相流湊也生相親愛死相哀痛有會聚之道故謂

之族族所以九者九之為言究也親疏恩愛究竟謂之

九族白虎通義宗族

姓者所以統繫百世使不別也史記五帝紀集解子姓

謂眾子孫姓之言生也禮記喪人所生也說文解字

似續毛詩似嗣也傳

胄緒也允也一切經音義

重昏曰媾一切經音義四媾厚也毛詩侯人傳

媒謀也謀合二姓酌也斟酌二姓也說文解字

嫁者家也婦人外成以出適人為家娶者取也白虎通義嫁娶

嫡尊無與敵公羊隱元年傳注

如即夫人與后參職呂覽季春記注妃媿也爾雅

大夫之妃曰孺人孺屬也言其繫屬于人也禮記曲禮注

世婦以下自稱曰婢子禮記婢之言卑也注女之卑者也說文解字

嘉耦曰妃

周易豐釋文引周易鄭君注

妃匹也

說文解字女部

謂相與為偶

也白虎通義引左傳

一曰配媿也

毛詩皇矣傳

配為成夫婦也

左傳隱八年

賈君注

怨耦曰讎

一切經音義一引三蒼

讎仇也

國策秦策高氏注

讎怨之匹也

一切經音義九引爾雅李氏注

丈夫無妻曰鰥

管子入國鰥之言鰥鰥無所親

毛詩桃夭正義引白虎通

義無室家之端故謂之鰥

尚書堯典正義引尚書大傳

釋言語

道者人之所道也

荀子儒效

道也者通也無不通也

揚氏法言問道

仁之為言人也愛在人謂之仁仁主人也

春秋繁露仁義發

仁

者謂其心愛人也

韓非子解老

義之為言我也義在我謂之義義主我也

春秋繁露仁義發

禮者人之所履也

荀子大略

禮之為言履也履道成文也

白虎

通義禮者理也因人之情緣義之理而為之節文者也

管子心術一曰禮者天理之粉澤

初學記二十引六韜

儀宜也

毛詩蒸民傳

又義也

毛詩鳴鶴箋

衣服有義謂之儀

賈氏新書

考中度衷為忠

國語周語

忠者中此者也

大戴禮記曾子大孝

以己量人謂之恕新書道術恕如也一切經音義二引蒼頡篇

性者生之質禮記中庸注性者生也白虎通義情性生而然者

也論衡初稟

情者靜也白虎通義情性

綱者張也紀者理也大者為綱小者為紀所以疆理上

一車齊人道也白虎通義三綱六紀

學之為言覺也覺悟所不知也白虎通義辟雍

辨之為言別也為其善分別事類而明處之也徐氏中論

一曰辨者變也謂陳道德以變說君也楚詞九辨序

說釋也說文解字言部

序緒也毛詩閔子

氣之清者為精春秋繁露通國身精者靜也太陰施化之氣也

白虎通義情性

陽之精者為神大戴禮記曾子天圓神慎也爾雅釋詁人之守也淮南子精

注神

萬傑曰聖白虎通義聖人聖者聲也通也言其聞聲知

情通於天地調暢萬物太平御覽四百一引風俗通義

倍英曰賢白虎通義聖人賢者堅也堅中廉外也太平御覽

引禮別名記

四百二引
風俗通義

儒者區也言其區別古今後漢書杜林傳注引風俗通義儒之為言無

也不易之術也韓詩外傳五又柔也說文解字人部

天子孝曰就就之為言成也天子德被天下澤及萬物

始終成就則其親獲安故曰就也諸侯孝曰度度者法

也諸侯君國能奉天子法度得不危溢則其親獲安故

曰度卿大夫孝曰譽譽之為言名也卿大夫言行布滿

能無惡稱譽達遐邇則其親獲安故曰譽也士孝曰究

究者以明審為義士始升朝辭親入仕能審資父事君

之禮則其親獲安故曰究也庶人孝曰畜畜者含畜為

義庶人含情受樸躬耕力作以畜其德則其親獲安故

曰畜也古微書二十七引考經援神契

名之為言鳴與命也鳴而命者為名名者聖人之所以

氣物也名之為言真春秋繁露深察名號一曰名自命也从口从

夕者冥也冥不相見故以口自名說文解字口部

號之為言謫而效也謫而效天地者為號春秋繁露深察名號

諫間也更也是非相見革更其行也白虎通義諫諍

諍止也說文解字言部訟也一切經音義二十四引蒼頡篇

誼言語詢詢往來也一切經音義四引三蒼

厚言語謔謔喧也同上

財分少也說文解字貝部

之言備也禮記曲禮注

獻功也說文解字貝部

為猶軒軒在物上之稱文選景福殿賦注引孟子劉氏注

古故也毛詩日月傳

舊久也毛詩抑箋

計謀也一切經音義十四引國語賈君注計者事之機也史記淮陰侯傳

密之言閉也禮記樂記注

震之者何猶曰振然公羊傳九年傳

之言警戒也周易震集解引鄭君注

備者備也禮記祭統

祿者錄也取上所以敬錄接下下所以謹錄事上毛詩樛木

正義引字曰祿之言穀也周禮天府注

誨謂祝之使沮敗也周禮春官序官誨祝注

君者羣也韓詩外傳五羣下之所歸心也白虎通義三綱六紀從之從

羣曰君逸周書又溫也原也春秋繁露民之原也荀子

臣者堅也厲志自堅固也白虎通義又牽也說文解

吏之謂言理也新書

民之為言萌也萌之為言也盲也新書又冥也論語

鄭君注民之號取之暝也春秋繁露

士之言事也禮記任事之稱也白虎通

宸者濃也風俗通義皇霸

商之為言商也商其遠之度其有無通四方之物也白

通義

賈之為言固也上有尺之物以待民來以求其利者

也上

朝召也楚詞九召而見之也春秋繁一曰朝猶朝也欲

六來之早周禮大因用朝時見故謂之朝藝文類聚三

觀之言勤也欲其勤王之事周禮大

摯之言至所執以自致周禮大又質也質已之誠致已

之惓惓也白虎通

酬勸酒也酬之言周忠信為周儀禮鄉飲

儀禮注

刑者例也過出罪施周禮秋官序官大司寇注引孝經援神契

靡之言快也齊人所善曰靡禮記禮器注

葆之言褒也同上

撕之言芟也同上

頌之言分也禮記祭義注

與之言喜也歆也禮記學記注

忌之言戒也禮記表記注

戾之言利也禮記大學注

適同之責也禮記昏義注

釋曾食

若物曰膳膳之言善也儀禮燕禮注今時美物曰珍膳周禮天官

序官膳夫注

膳於陽而煬於火曰腊肉周易噬嗑釋文腊之言夕也引周易馬君注

周禮天官序官膳人注

有骨謂之肺周易噬嗑釋文肺簣也周易噬嗑釋文引周易鄭君注

胖牛體周禮膳人注引杜子春注 胖謂脅側薄肉禮記玉藻注 胖之言片

也析肉意也周禮膳人注 胖讀為判周禮膳人注引鄭大夫注

聶之言牒也禮記少儀注

脤社祭之肉周禮大宗伯疏引五經異義社肉盛以蜃故謂之脤說文

解字

倫膚倫理也謂精理滑絕者儀禮公食大夫禮注

服修者脯也服修取其斷斷自修正公羊莊二十四年傳何氏注

腳今時臠也牛曰腳香美之名儀禮公食大夫禮注

嘉穀毛詩行葦以脾函為加故謂之嘉箋

牛羊曰犒其其枯槁也淮南子汜論注

疏食疏之言麤也禮記玉藻注

穀縟也百穀之總名說文解字禾部

麥之為言殖也寢生觸凍而不息精射刺直故麥含芒

事且立也太平御覽八百三十八引春秋說題辭麥芒穀秋種厚葬故謂

之麥說文解字麥部

麩周所受來牟也一麥二縫象其芒刺之形天所來也

說文解字來部

稻之為言藉也稻冬含水盛其德也故稻太陰精含水

沮洳乃能化也太平御覽八百三十九引春秋說題辭

粟之為言續也說文解字肉部引夫子說

禾之秀實為稼稼家事也說文解字禾部一曰如嫁女以有所

生周禮地官序官司稼注

菽者屬也春生秋熟理通體屬也太平御覽八百四十一引春秋說題辭

黍者暑也齊民要術二引汜勝之書以大暑而種故謂之黍說文解字黍部

又緒也古微書十一引春秋說題辭

酒之言乳也所以策身扶老也太平御覽八百四十引春秋說題辭酒

就也所以就人性之善惡一曰造也吉凶所造也說文解字

酉部

酎醇酒楚詞招魂注酎之言醇也謂重釀之酒也禮記月令注

秬鬯黑黍酒也謂之鬯者芬香條暢也毛詩江漢箋

泛齊周禮酒正泛者成而滓浮泛泛然如今宜成醪矣注

盎齊周禮酒正盎猶翁也成而翁翁然蔥白色如今鬱白矣注

醴酒一宿熟也說文解字酉部醴猶體也成而汁滓相將如今

醴酒矣周禮酒正注醴者以蘖與黍相體不以鞠也濁而恬

呂覽重上已注

王德布大飲酒也說文解字酉部

卒也卒其度量不致於亂也同上

余稷曰粢在器曰盛公羊桓十年傳注盛之言成也周禮匠人注

也儀禮士昏禮注漱也醕之言演也安也漱所以潔口且演安其所食

飲飽也以食與人曰飮一切經音義十四引杜氏蒼頡訓詁

饌酒食爾雅釋訓得酒食則喜歡也毛詩七月正義引爾雅李氏注

飲食不溲禮記儒行溲之言欲也注

釋采帛

青靜也文選射雉賦注引韓詩章句

青謂之蔥禮記玉藻注蔥蒼也毛詩采芑傳

黃者光也中和之色風俗通義五帝引尚書大傳

元遠也黑而有赤色者為元象幽而入覆之也說文解字

一白色毛詩白駒箋黃變也文飾之貌周易賁釋文引

一為班班文貌也一切經音義十辯廣韻班駁文也

文部

一者艾色說文解字糸部綦綦文也毛詩出其東門箋

一者染五色謂之夏者其色以夏狄為飾夏狄毛羽

一皆備成章染者擬以為深淺之度是以放而取名

月禮染人注

黃澤名卷一

纁者三入而成又再染以黑則為緌緌今禮俗文作
纁言如爵頭色也周禮鍾氏注

帶人所造成以自覆蔽謂束帛也儀禮聘禮記注

纁帛爵頭色一曰微黑色如紺纁淺也說文解字系部

纁以毳為纁色如薺故謂之璊薺禾之赤苗也說文解字毛部

衾會五采繡也說文解字系部

麻也者所以為衣也劉氏說苑辨物麻之為言微也陰精寢密

女作織微也古微書十一引春秋說題辭

廣釋名卷一終

